



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Pierii Valeriani Bellunensis Hieroglyphica, Sive De Sacris Ægyptiorum Aliarumque Gentium Literis, Commentariorum Libri LVIII

Valeriano, Pierio

[Lipsiae] ; Francofurti Ad Moenum, 1678

Alieni laboris fructus.

urn:nbn:de:hbz:466:1-14259

ANIMI AFFLICTIO. CAP. XXIII

Sedenim cadit & in sacra nonnulla ciborum amaritudo, ubi jubet Deus Azymis vesci amarulen- *Amaritudo*
 tis, quæ scilicet *maxia* sint immixta: quippe animam affligendam, nullamque illi corporis dulce-
 dinem per certos dies indulgendam. Festum enim illud nihil remissum, nihil voluptuosum, nihil
 luxuriosum, nihil lautum sibi deposcit, sed sola animi afflictatione, & amaritudine, atque humilitate
 celebratur. Hujusmodi est propitiations dies: cum enim afflicta fuerit anima, & humiliata in con-
 spectu Domini, tunc ei condonat errata repropitiatus Deus.

DIALECTICA. CAP. XXIV.

Est genus Culicum minutum admodum in volatilium insectorum genere, quod animal in aëre
 suspensum, oculi visum inter volitandum fallit, nisi aciem intenderis validissimam, corpus ta-
 men cum insederit, acutissimo maximeque tenui stimulo terebrat: ita quem volitantem cernere ne-
 qui veras, læsus stimulantem sentias. Puto eum esse, quem Eucherius in Culicum genere aculeis per-
 molestum ait in Divinis literis, Cynipem appellatum, cujusmodi atrocitatis illud est, quam Serapi-
 cam vulgo Romæ vocant. Per hoc animal, Aegyptiorum plagis adnumeratum, Dialecticam artem
 intelligi putat Adamantius, quæ minutis & subtilibus verborum stimulis animos terebrat, & tanta
 calliditate circumvenit, ut deceptus nec videat, nec intelligat unde decipiatur. Ab hoc autem pun-
 gendi munere Hieronymus quoque doctrinæ Aristotelicæ spineta attribuit, contra Helvidium.

DE COSSIS.

AGMEN. CAP. XXV.

Ingruentem quidem Culicum multitudinem Aegyptii significare si vellent, Cossos vermiculos si *De Cossis*
 non pingebant, certe loquendo nominabant. Hieroglyphicè enim modo loquimur, modo scri- *Plin. lib. 7.*
 bimus. Idque ea de causa, quod ex hujusmodi vermiculis Culices generantur. Sed ex Culicum
 multitudine iniectum aliquod agmen intelligebant. Ut enim Culices quaqua feruntur, sunt incolis *Exercitus,*
 omnibus molestissimi: ita exercitus quantumlibet amicus quaqua iter fecerit, & molestus & damno- *quantum-*
 sus est. Quod si ullo unquam tempore experimento compertum fuit, infelicissima hac ætate no- *libet ami-*
 stra tot continuos annos magna cum totius Italiæ clade perspeximus. Longe enim graviora damna *cus, damno-*
 nunc ab armatis amicis inferuntur, quam olim ab hostibus, qui vi rerum potiti essent: cujus mali *sus.*
 causa est militum improbitas, summam disciplinæ militaris gloriam, in sola rapacitate reponentium.

DE FUCO. CAP. XXVI.

Adjungendus fuerat Api Fucus, utpote qui non digrediat ab alveariis, quibus semper insidia-
 tur: sed quoniam dulcedinis antithethon ad Culicem traxit nunc ad Fucum convertemur.

ALIENI LABORIS FRUCTUS. CAP. XXVII.

Hominem ex alienis laboribus utilitatem, delicias, gloriam sibi comparantem significare si vel-
 lent, Fucum pingebant. Sunt hi grandissimi inter Apes. Sedenim Fucos Furesque apud nostros
 confundi video. Plinius Fures inter illas grandissimos esse dicit. Aristoteles Fures majores quidem *De furis*
 Apibus, sed minores Fucis agnoscit. Utcumque, mellificandi nullam Fucus habet curam, sed otio- *Plin. l. 11. c.*
 sus intus desidet, vel cum exit effert sese fusum in sublime, gyrosque volitat cum ejusdem generis
 animalibus, qui exercitum quasi faciunt, quod ubi satis jam fecerint, quasi se velut in campo exer-
 cuerint, redeunt domum, & epulis perfruuntur labore partis alieno. Contra illos Apes accerimè
 dimicant, & ut Virgilius ait:

Ignavum Fucos pecus à præsepibus arcent.

Rr 3

Georg. l. 4.
DE